

Aldersbestemming av hjortevilt 2023

Korleis reingjere og sende materialet?

Det kan sendast inn enten heile underkjever eller berre framtennene i underkjeven. Vi vil anbefale at de sender inn heile underkjever. Kjevelengde er ein viktig indikator på kondisjonen i bestanden, som gir nyttig info i lag med aldersdata og slaktevekter.

Merk kvart enkelt individ med vald, jaktfelt, dyr nr. kjønn, vekt og antall taggar. Kjevelappar til elg og hjort bestiller kommunen gjennom hjorteviltregisteret.

1. Sende heile underkjever:

Underkjeven skal vere skrapa reine og tørka før sending. Det er viktig at området rundt framtennene og i bakkant av kjeven (sjå figur 1) er like godt reingjort som resten av kjeven, slik at målet på kjevelengde blir så nøyaktig som mogleg. Kjevelappen må vere godt festa til kjeven. På bakre del, slik vist på bilder.



Kjevane skal vere godt reingjorte og tørka før dei blir sendt til oss. Det er viktig at dei to områda som er markert med raud sirkel er like godt reingjort som resten av kjeven. Kjevelappen skal festast godt til kjeven på bakre del, slik vist på bilde.

PS! Framkjeven må vere med, men eine halvdel kan kappast av.

For å spare plass er det mogleg å skjere av eine halvdelen av underkjeven, men det er då viktig at det blir kappa av på eine kjestanga bak framtennene, slik at tennene framleis heng på, og at den halvdelen av kjeven som blir sendt til oss er heil og godt reingjort, slik at vi får lese av kjevelengda. Vi vil oppmøde om at kjeven ikkje blir kappa av bak jekslane, slik mange gjer når dei sender til oss. Då kan vi ikkje lese av kjevelengda.



Kjevane pakkast i pappkartongar, og utan å ligge i lukka plast- eller søppelposar. Kassene komprimerast eller fyllast med avispapir slik at ein ikkje får tomrom.

Når vi får tilsendt kjevar som er pakka i tett plast går det kort tid før det er svært ubehagelig å jobbe med. I verste fall kan det også oppstå rote på tanna, og vi klarar ikkje lese alder. Tennene har også ofte løsna, og vi sit då att med ein innsendt kjeve som vi ikkje får analysert.

2. Sende berre framtennene:

Viss berre framtennene skal sendast gjer du som fylgjer:

- Kok kjeven i ca. 30 minutt.
- Dra så dei to framtennene i midten forsiktig ut.
- Skrap tennene reine, men ikkje med ein skarp reiskap som for eksempel kniv.
- Pakk tennene i papir ved sending, og merk dei godt (kjovelappen i same papirpose som tennene).

Kjevar/tenner sender ein til (lokalt kan ein leverer kjevar direkte):

**Utmarksressurs AS
v/Ole Runar Aabrek
Skogabakkane 1
6783 STRYN**

Tlf: 905 88 982